

vnd loblichen herkommens : ich mich / zu dieser meiner
absolvierten arbeit vnd translation vmb Mecænatem,
Patronen vnd Schutzherrn vmbsehen / felt mir zu
sein das E. E. G. E. vnd B. als hochver-
stendige wahre Liebhabere vnd mächtiger beforderer
aller edlen freyen künsten / von vielen verstendigen
Leüten glaubwürdige vielfeltig habe hören rühmen / wie
dan / das mir wohl bewust / bey den selben dergleichen er-
fahrene Leüt mit provision erhlich vnderhalten werde.
Als habe E. E. G. E. vnd B. ich dieses Buchs
vnterthenig dediciren / vnd vnter dero weitberümpften
Namen vnd großgnustigen Patrocinio an tag geben
wollen / damit es nicht allein von den selben beschützt
vnd befördert / sondern auch durch dero höhe autori-
tet vnd ansehen männiglich desto beliebter vnd ange-
nehmer gemacht würde.

Gelanget derowegen an E. E. G. E. vnd B.
mein ganz vndertheniges hochfleissiges bitten / die
selben wollen diese Dedication vnd gerings præ-
sent in dero schutz großgunstig acceptiren / an vnd
auff nehmen / vnd nicht die geringheit dieses Buchs /
(dan sich sonst gegen E. E. G. E. vnd B. ein groß-
fers vnd mehrers gebürt) sondern mein dienst geneig-
tes gemüth günstig ansehen vnd vermercken / ihnen
dasselbig großgunstig belieben vnd gefallen lassen.

Das